

տական հրատարակության գործով: Արգեն տր-պագրություն է հանձնված առաջին հատորը: Բացի այդ, ինստիտուտը տպագրության է պատրաստում մենագրական ուսումնասիրու-թյուններ՝ նվիրված Կոմիտասին, Մարտիրոս Փարջանին, Ռոմանոս Մելիքյանին, Արամ Խա-չատրյանին և ուրիշներին:

Ինստիտուտի հետազոտական կուլեկտիվը համարյա կրկնապատկվել է, աշխատանքի են հրավիրված, երիտասարդ ուժերի հետ միասին, սովետահայ արվեստագիտության նշանավոր գեմերը: Արվեստի ինստիտուտն այժմ ունի երաժշտության, կերպարվեստի, պարարվեստի պատմության և կինո-գիտության մեծ մասնա-գիտացող ասպիրանտներ:

Արվեստի ինստիտուտը տպագրության է հանձնել մի շարք արժեքավոր աշխատություն-ներ, որոնցից հիշատակության արժանի են հետևյալները. արվեստագիտության թեկնածու Մրբուհի Լիսիցյանի «Հայկական ժողովրդական հիմնվորաց պարերն ու թատերական ներկայա-ցումները» քառահատոր հետազոտության առա-

ջին գիրքը, պրոֆ. Փր. Փուշնարյովի «Հայկա-կան ժողովրդական միաձայն երաժշտության պատմության և տեսության հարցերից» վեր-նագրով ծավալուն, ուսումնասիրությունը, տպագրության է հանձնված Ռ. Աթայանի՝ հայկական խաղերի վերծանմանն ու ուսում-նասիրությանը վերաբերող հետազոտությու-նը, ինչպես և հայկական կինոարվեստի առա-նձին հարցերին նվիրված մի ժողովածու, որով մեղանում կինո-գիտության հիմքերն են դր-վում:

Գիտական նոր հաստատության առաջին քայլերն են սրանք: Երբ հիմնարկը վերջնակա-նապես ձևավորվի և նրա հետազոտական անձնակազմը եռանդուն ու նվիրված գործի՝ իր առաջ դրված գիտական խնդիրները հաջո-ղությամբ լուծելու համար, ապա, կստեղծվի վեր է, որ ինստիտուտը ամենամոտիկ ապա-գայում կնվաճի ուսպուրիկայի արվեստագի-տական մտքի կենտրոնին վաղել հեղինակու-թյուն:

Ռ. ՎԱՐՈՍՅԱՆ

ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԱՐԵՎԵԼԱԳԻՏՈՒԹՅԱՆ ՍԵԿՏՈՐԸ

Դեռևս 1955 թվականին Գիտությունների ակադեմիայի Պատմության ինստիտուտում կազմակերպվեց Արևելագիտական խումբ, որը զբաղվում էր Մերձավոր և Միջին Արևելքի երկրների արդի պատմության ու տնտեսության հարցերով:

Խմբում ընդգրկված աշխատակիցների ջան-քերով մշակվեցին մի շարք կարևոր թեմաներ, հրատարակվեցին մենագրություններ, որոնց թվում Մ. Ներսիսյանի «Հայ ժողովրդի ազա-տագրական պայքարը թուրքական բռնապետու-թյան դեմ 1850—1870 թթ.», Ե. Սարգսյանի «Օսմանական կառավարության ազդարային րազարականությունը Արևմտյան Հայաստանում 19-րդ դ. երկրորդ կեսին» և «Աշխատավոր մասսաների վիճակի ժամանակակից Թուրքիա-յում», Հ. Թուրանի «Պաշարը նավթի համար» և այլ մենագրություններ:

Հոկտեմբերյան սոցիալիստական Մեծ ռեո-լյուցիայի 40-ամյակի կապակցությամբ խումբը հրատարակեց Հ. Եղանյանի «Հոկտեմբերյան սոցիալիստական Մեծ ռեոլյուցիան և ազգա-յին-ազատագրական շարժումները Երանում (1917—21 թթ.)» և Ե. Սարգսյանի «Հոկտեմ-բերյան սոցիալիստական Մեծ ռեոլյուցիան և ազգա-յին-ազատագրական շարժումները Թուր-

քիայում (1918—1921 թթ.)» աշխատություն-ները:

Պատմության ինստիտուտի կազմում աշխա-տող արևելագետների խումբը ակտիվ կերպով մասնակցեց 1957 թ. հունիսին Տաշքենտում գումարված Արևելագետների Համամիութենա-կան առաջին կոնֆերանսին, որին մասնակցում էին Միության տարբեր ուսպուրիկաների ու մարզերի արևելագետ պատմաբաններ, տնտե-սագետներ, դրականագետներն ու լեզվաբա-նները: Պետք է նկատել, որ կոնֆերանսին մաս-նակցում էին նաև Չինական Ժողովրդական ռեսպուբլիկայի, Կորեական Ժողովրդական-Դեմոկրատական ռեսպուբլիկայի, Վյետնամի Դեմոկրատական ռեսպուբլիկայի, Լեհաստանի, Չեխոսլովակիայի, Ռումինիայի և այլ երկրների ներկայացուցիչները: Կոնֆերանսի նիստերում լավեցին ավելի քան հարյուր գեկուցումներ՝ նվիրված արևելագիտության կարևոր խնդիրնե-րին: Հայաստանի արևելագետները կոնֆերան-սում հանդես եկան հետաքրքիր գեկուցումներով: Այսպես, պատմական գիտությունների թեկնածու Գ. Սարգսյանը գեկուցեց «Հեկլենիստական ժա-մանակաշրջանում հին բաբելական քաղաքների դրություն մասին» թեմայով, Բ. Չուգասյանը՝ «Հայ և արևելյան ժողովուրդների գրական կա-

պերի պատմությունից միջնադարում» թեմայով: «Մատենադարանի պարսկական ձեռագրերի պատմագրական արժեքի մասին» հաղորդումով հանդես եկավ պատմական գիտությունների թեկնածու Հ. Փափազյանը և այլն:

Սույն թվականի ապրիլին Հայկական ՍՍՌ Գիտությունների ակադեմիայի Նախագահության որոշումով արևելագետների խմբի հիմքի վրա ստեղծվեց Արևելագիտական սեկտոր, որը և դարձավ Ակադեմիայի ինքնուրույն հիմնարկներից մեկը:

Նորաստեղծ սեկտորը զբաղվում է արաբական երկրների, Իրանի ու Թուրքիայի պատմության, տնտեսության և բանասիրության հարցերով: Սեկտորը կազմված է վեց բաժիններից. 1. արաբական երկրների պատմության, 2. Թուրքիայի և Իրանի պատմության, 3. Մերձավոր և Միջին Արևելքի երկրների տնտեսության, 4. Մերձավոր և Միջին Արևելքի երկրների բանասիրության, 5. քրդագիտության, 6. սկզբնաղբյուրների հրատարակման:

Սեկտորի գիտա-հետազոտական պլանի համաձայն մշակվում են այնպիսի թեմաներ, ինչպիսիք են՝ խոշոր հոգատիրությունը Իրանում 19-րդ դարի առաջին կեսին, հայկական աղբյուրները Օսմանյան Թուրքիայի արաբական վիլայեթների ազգային-ազատագրական պայքարի մասին (1904—1914), օսմանական Թուրքիայի ազդեցիկ պլանները Անդրկովկասում առաջին համաշխարհային պատերազմի տարիներին, ազգային հարցը հետպատերազմյան Թուրքիայում, նավթային կոնցեսիաները Մերձավոր և Միջին Արևելքում, սովետա-թուրքական հարաբերությունները 1925—1936 թթ., հողային հարաբերությունները և հարկային սիստեմը Արևմտյան Հայաստանում 16—17-րդ դարերում և այլն:

Սեկտորի մի քանի աշխատակիցներ կազմում են արաբերեն-հայերեն բառարան:

1958 թվականին սեկտորը կհրատարակի մի շարք նոր աշխատություններ, որոնց թվում՝ հայ-արաբական բարեկամությանը նվիրված

հուշերի ժողովածուն, Ա. Սաֆրաստյանի կազմած «Թուրքական աղբյուրներ հայերի և Հայաստանի մասին», Ե. Սարգսյանի «Թուրքական ազդեցիկ Անդրկովկասում 1918 թ.» մենագրությունները: Բացի այդ, ընթացիկ տարում կհրատարակվի սեկտորի գիտական աշխատությունների ժողովածուի առաջին հատորը, որտեղ իրենց հոգվածներով հանդես կգան ինչպես սեկտորի աշխատակիցները, այնպես էլ ռեսպուբլիկայի այլ գիտական և ուսումնական հաստատությունների արևելագետները:

Սեկտորը գիտական կապեր է հաստատել մեր ռեսպուբլիկայի գիտական ուսումնական հաստատությունների, ինչպես և Մոսկվայի, Լենինգրադի և եզրայրական ռեսպուբլիկաների արևելագետների հետ:

Արևելագիտության հետագա զարգացման համար մեր ռեսպուբլիկայի մայրաքաղաք Երևանը ունի գիտական լայն հնարավորություններ. նշենք թեկուզ ձեռագրերի այնպիսի հարուստ մի զանձարանի առկայությունը, ինչպիսին է մեր Մատենադարանը, որտեղ կուտակված են մեծ քանակությամբ ձեռագրեր ոչ միայն հայերեն, այլև պարսկերեն, արաբերեն, թուրքերեն և արևելյան այլ լեզուներով, որոնք հարուստ նյութ են ընծեռում Մերձավոր և Միջին Արևելքի երկրների պատմության, գրականության և փիլիսոփայության վերաբերյալ:

Գիտությունների ակադեմիան մեծ ուշադրություն է դարձնում լայն պատրաստականություն ունեցող և արևելյան ու եվրոպական տարբեր լեզուներ տիրապետող գիտական կադրեր պատրաստելու գործին:

Գիտությունների ակադեմիայի Նախագահությունը նախատեսում է 1962 թվականին Արևելագիտության սեկտորի բազայի հիման վրա ստեղծել Արևելագիտության գիտա-հետազոտական ինստիտուտ, որը խոշոր չափով կնպաստի արևելագիտության զարգացմանը Հայաստանում:

Ե. ՍԱՐԳՍՅԱՆ

Հ. ԵԳԱՆՅԱՆ